





紫萼舫初集





# 鄧華亭詩集

序

劉彥和有云思理爲妙神與物游物以貌求心以理應然則氣之動物物之感人刻鏤無形虛機蘊焉若乃精誠橫鶩冥搜六合馳情瑤池之陂縹馬閩風之苑游思所窮造物在抱寄託之妙於斯極矣至於卽申鼓琴抗跡霞上滋蘭九畹種藥一畦慕泉明之閒遠而得其通有思曠之孤標而去其峻抑又良士之沖襟幽人之達節也平湖屈韜園生於華闕長厥名都勤學博聞物疏道近具靈明之殊質懷淵通之令才而乃船名書畫村傍水雲息意林陰娛心物表凡吳越間洞天福地丹山碧川懸瓢卓錫之奧區煮石烹霞之勝域莫不沿洄鳴瀨登頓椒邱刻櫟題松呼猿招鶴陶貞白之高致謝康樂之逸情方斯蔑如焉夫擧夫容之英者罔知桃李之蹊



握蘭蕙之芳者靡羨都梁之臭何則清芬薰襲不以物移也  
韜園文質附乎性情源流別乎涇渭冥窮孤詣鎔鑄先軌銀  
艾纍若不櫻其寧故縣騷情於湘澧濯仙心於沆瀣流孤竹  
之商吹縵縶絲之雅音豈非六義環淡四始彪炳者乎昔予  
弱冠受知烏程閔公畫戟餘香藥闌殘夢請益問業曾不踰  
時韜園爲公快聳本獨運之才力造極元之風旨雍容揄揚  
跂予可待惜乎公不得見也序其端憮然者久之

嘉慶十有二年歲在丁卯九月望日吳縣潘世恩序於澹寧  
精舍

序

緣情綺靡撫雲物而永懷極目登臨惜景光之易逝遠春流  
水棖觸匪遙孤緒繁思引伸無已而况芳蘭氣澤扇發因風  
幽竹襟懷清揚沐雨元蟬善怨警搖落於亭皋黃鳥何心感  
萋絲於隴首臨空江而捐佩托微波以通辭錦瑟花前碧雲  
天末若乃蘅蕪未薦夫容欲秋騁目瑤臺游思靈璫秦娥顧  
影自惜容光楚客揚舲長謠別浦貂褕繡段旁皇京邑之愁  
翠羽明珠要眇洛川之夢維茲衷緒皆託篇章此吾友韜園  
紫華舫詩集所由作也君以離騷之苗裔承冠蓋之清華舊  
巷烏衣前身明月髻齡詰字尉律九千綺歲蜚聲雅材百五  
傳鶉觚之博奧逸思騫騰阮孝緒之明通澄懷誅蕩而乃馳  
思物外息意區中雲物人間風標天半圓蒲短策麋鹿過而



無猜紗帽隱囊鷗鷺馴而不去旗亭竹肉雙鬟倡學士之詞  
珠泖蓴鱸孤艇集高人之履若夫洞天福地玉澗銀房金筑  
林泉梅梁風雨都籃小挈出入秋雲畫舫平移襄羊春渚蘿  
窗瓢拂乞羽客之一筇石屋巾瓶餉禪師之半芋郭文舉空  
林行藥石瀨濺衣陶通明飛閣吹笙松風破夢凡此行勝之  
樂事悉資席帽之勝游吟入錦囊圖諸紈扇丹厓拍手疑是  
神仙蒼玉題名爭夸奇士其稔情也如此其淵源也如彼宜  
其深華耀豔溯洄騷雅筌蹠步虛極元宣節雲山韶濩矣東  
湖春盡南浦酒闌投我竹書俛揚藻澤側身遠道張衡比物  
之歌搔首青天謝朓驚人之句吳興愚弟徐熊飛

紫華舫詩初集卷一

平湖 屈爲章 含漪

泛鸞脰湖

遠山雲欲低散作滿湖雨擊楫弄潺湲奔流沂容與濕煙迷  
渡頭沈沈急津鼓川途望更長抗懷此終古所思期不來沿  
湖采芳杜

采桑曲

貼水戴鴛飛綠到牆下桑東風遞消息三月方蠶忙周行日  
麗春正暖采桑人挈閨中伴一聲金剪落清陰柔條嫩葉承  
筐滿君不見蠶孃一月頭不梳踏歌女着青霞裙

白燕和硯鄰二兄

好傍梨花深處飛差池修羽欲爭輝來從瑤島身原潔誤撲



珠簾影亦稀。學語恰當新。月上銜泥。慣伴暮雲歸。無多心事。憑誰語。漫自梳翎。弄雪衣。

春雨遣懷

小立東風碎軟茵。海棠開落又經旬。鷓鴣上屋。唳沙雨。蛺蝶過牆。護粉塵。薄病未能疏酒盞。狂歌且復昵箏人。閒來鎮日。曹騰睡。竹裏柴扉閉野春。

晚步至山寺小憩

野外無人境。清游思渺然。殘碑敲古壁。廢塚築平田。僧老鬚。看古巖。空日月。懸鐘魚。參晚唄。傾聽坐花氈。

龍湫山觀日月台壁

五更起飲酒數行。興酣踴躍登崇崗。平林煙迳快高步。攀蘿捫葛相扶將。更上龍湫最高頂。煙波極目何蒼茫。奔濤直下。

一萬頃熒熒太白明。東方四顧浮雲渺無際。天水一色同青蒼。曉星漸隱月未沒。勢欲與日爭輝光。兩丸皎皎若雙鏡。白銀盤裏浮汪洋。蛟龍驚醒不得睡。時與海水相激昂。曛曠曙色明。島嶼晶輝照耀連。扶桑天風吹人立危磴。登高遠望窮毫芒。行歌徐步下山麓。一輪紅映千帆檣。

紫茜村莊懷沈南疑先生

西郊宿雨霽。積翠搖煙霏。老樹漸隕瘁。百卉亦具腓。行行蒹葭岸。遠村明夕暉。陳跡畧可識。引領徒相睎。憶昔成小築。大令倦游歸。平泉勝花木。沁水張屏幃。寶此兔園冊。時下董子帷。乘輿傳有人。飛蓋同追隨。先生龍鳳目。少小擅文辭。雋才合公望。比作衛家兒。兩度歷燕市。哀歌歎無衣。鼓篋橋門下。問事啗賈逵。有才憎命達。世事恒相違。幸逢花酒宴。旅客各得。



揚。着。隔。座。迭。射。覆。開。奩。時。賭。棊。帝。京。風。物。好。踏。燈。彼。一。時。

家。聲。傳。八。詠。酬。倡。七。字。詩。先生有踏燈一卷秋。風。惱。客。懷。夢。繞。鱸。

魚。思。繪。就。沒。骨。圖。妙。手。稱。徐。熙。紫茜村莊圖鹽篋。中。盡。風。雅。

不。患。知。音。稀。望。南。捐。珮。去。免。使。鄉。人。謔。月。靜。漁。歌。清。林。密。鐘。

聲。遲。層。樓。一。僮。伴。三。徑。二。仲。來。赤。米。白。鹽。淨。蒼。松。翠。栢。奇。懷。

風。長。苜。蓿。濯。雨。飄。茵。芝。新。竹。粉。搖。戶。古。榆。錢。綴。池。洛。陽。移。支。

茜。葯。甲。滿。地。垂。索。居。操。土。音。陳。編。拾。散。遺。往。哲。賴。表。揚。盛。名。

千。古。知。先生輯構當。時。此。數。畝。幽。人。足。自。怡。風。流。未。百。載。雲。

木。亂。紛。披。遠。岫。列。寒。郭。流。水。鳴。彎。碕。荻。迷。鬪。鴨。欄。苔。深。釣。魚。

坻。蟄。蟲。自。俯。仰。窮。鳥。相。因。依。我。來。一。延。佇。懷。古。空。涕。洟。子。雲。

書。一。牀。仲。蔚。蒿。滿。墀。寂。寞。僅。空。宇。含。悽。當。告。誰。昔。人。已。長。往。

來。者。無。盡。期。淒。其。日。之。夕。獨。立。心。徘。徊。七。星。挂。城。角。哀。雁。束。

南飛

語谿歸舟呈硯鄰

風。雪。一。身。行。艱。難。歲。屢。更。酒。醒。知。夢。短。霜。冷。覺。衣。輕。禿。樹。獨。

鴉。立。寒。江。殘。月。明。燈。青。閃。篷。背。遙。夜。客。愁。生。

和胡蕙園雅墳柳枝詞

濃。于。螺。子。膩。于。油。春。色。年。年。滿。翠。樓。捲。遍。珠。簾。新。月。上。半。鉤。

先映柳梢頭

誰。拭。拖。煙。淚。萬。條。紅。窗。綺。閣。黯。魂。銷。阿。鬟。一。串。歌。喉。轉。畫。舫。

移來伴舞腰

春日閑居有憶

常。敲。新。阜。帽。獨。理。舊。鶉。衣。國。士。羞。懷。璧。幽。人。善。息。機。有。時。歌。

一。曲。終。日。掩。雙。扉。芳。草。江。南。綠。王。孫。殊。未。歸。



早行

荒雞聲滿路，行趁落星遲。風動岸邊樹，月斜門外籬。清香荷淨處，微影鵲喧時。正憶劉郎宅，迢迢有所思。

洗馬行

君不見，驂騮意態雄。且傑馳驟憤，趁西風疾鬣。剪三花雲滿頭，身經百戰汗流血。平沙莽莽晝亦昏，金蛇掣地雷怒奔。夜半憑空躍萬里，死生未受伏櫪恩。燕國千金買不得，留助壯夫出擒賊。是時入水浪雲開，騰躍中流水變色。翩然掉尾森毛骨，激射波濤時出沒。噴鬣驚飛鷗鷺羣，聳身蹋破鼉鼉窟。黃雲白草迷遙天，霜蹏一躍風撒旋。怒浪驚湍猶未靜，照衢光澈錦鞍韉。權奇天骨盛意氣，三尺紅絲窅平地。岸傍觀者皆駭神，豈使呈材讓天驥。小山曾畜青海驥，未逢伯樂羣亦

風情儂宕  
溫李之遺

空前軍歌舞，長城窟馬已與人。成大功，復有寶刀鳴匣裏。城頭畫角聲四起，明朝拔陣爭先驅。麒麟閣上勳名紀。

殘燈熒熒獨酌輒醉，率爾成詠。

曾吸元精，捋五葩侈言體。調擅清華事，多虛幻。風懷滅人到窮愁，酒量加紺壁。燈昏來鬥鼠，陰林月黑有嗁鴉。閑中消受紗幮味，一覺還尋夢裏家。

過邵子雨 謝邨居

荒城落日晚，悽惻經寒林。放棹路迴曲，微波激清音。冥鴻發哀響，遠影天際沈。石瘦露梅骨，巖香吹蘭心。望望羅含宅，草盡碧潭深。桂酒當滿酌，軒窗夜色侵。北風吹我衣，原月照素琴。酒酣出雄劍，忽作蛟龍吟。

題藍田叔秋林聽瀑圖



秋色落虛堂。遠山潑新綠。蜨曳筆有神。鷓谿寫尺幅。繪水妙。繪聲風濤寒。謾謾天淨。黃山鳴石梁。界飛瀑。幽人踏巖凹。短筇策綠玉。雁蕩與天台。卽此快遐矚。如聞響琤琮。轉入青谿曲。

漁父詞

身猶鳧雁水為家。網逐船移人影斜。蓴乍添絲鱸出水。江天秋雨亂如麻。

采蓮曲

十里橫塘幾曲谿。水華風動夕陽西。相呼女伴采蓮去。人面花枝一色迷。郎心只愛空房少。妾意尤憐蓮子多。采蓮歸去晚妝好。綠鬢紅妝映素波。

元祐黨籍碑

讒夫高昌亂罔極。營營青蠅變白黑。信史千秋不可誣。諸賢名字猶煊赫。蔡家兄弟上交驩。固寵始謀供奉官。保和新殿續題句。妃子還從軒內看。二惇結好謀同力。同文獄與列黨籍。愛國首傾溫國公。嶺南相望衣冠積。司空刻石端禮門。歡呼御書意氣尊。大書百千頒郡縣。此碑萬世歸然存。西方一夜彗星見。請看石毀名不變。骨臭猶填漏澤園。姦謀死後遭天譴。鶴莊鹿砦空峻嶒。黑眚旣出雄狐升。幾載宮中失堯舜。回思社飯悲厚陵。中原大勢誰恢復。南渡倉皇如逐鹿。太息蒙塵二帝羞。當時公論安民獨。君不見甘陵北部勢橫流。東林復社開未休。傾危千古同一轍。循碑太息崇寧秋。

舞鉞行

清谿道士鍾雲房善舞鉞以其技徧游法會余獲睹於城西某氏為賦此詩



一鉞復一鉞，刹那現奇巧。盤旋離合四座驚，彈指空中殊了了。蓬萊道人寓新谿，無鉞之技神且奇。飄飄凌雲勢欲齊，以身使臂臂使指，宛轉如環直如矢。繞身閃電咫尺間，技進乎道有如此。嗚呼噫嘻，鍾雲房神仙狡獪，原無方莫謂逢場聊作戲。座客目眩神徬徨，瞥然一落十丈強，纖阿失足墮微茫。收拾星斗歸掌握，獨立回視蒼天蒼。

得胡意城孝廉之垣存稿書後

作客三千里，歸來只一棺。東華殘夢杳，南郭草堂寒。老大空嗟命，窮愁未得官。驚人詩句在，讀罷益悽酸。

歲晚同袁翥亭路先陸野橋坊集錢穀盒人杰齋中

分賦得又字

墨點寒林噪暮鴉，長空遙落半殘霞。迎風瘦竹還成韻，待雪

疏梅未着花。滿載石泉堪釀酒，微明松火為烹茶。夜深銅鉢頻相擊，我媿溫岐手八叉。余詩最晚成

夜行曲

七星高挂城頭白，金井桐陰露凝碧。美人醉舞散瓊筵，華燭銀燈光紫陌。呼起青鸞駕素娥，招來連臂揚清歌。清歌迢遞緣雲上，銀漢無聲濕綺羅。千金願駐良宵好，濛濛花霧紫芳藻。忽驚蓮漏促傳更，江天月落烏啼早。

送蔣秋舫漢之吳閫

前游棖觸斷人腸，綺語分明事渺茫。我昨題詩投魏介，君今話舊弔真孃。玉簫唱徹來鸚鵡，銀爵傾殘解鷓鴣。紅粉娥娥怕回首，輸他御史獨清狂。

晚春園居



春山怕聽管絃聲。偏有離黃嚶嚶鳴。縱使絳旛遮不遍。落花也會泥人情。

滿架藤陰覆水低。竹梢含潤溼春泥。雨餘庭院如村鳴。人寂一聲報午雞。

徐春田大令 志鼎 輓詩

舍後鷓鴣舞。庭前鷓鴣飛。嘶笳銜恨切。弄笛發聲微。往事爭傳說。連朝爲涕歔。探環當弱齒。戲蠟啓重扉。露冷悲長鉞。鉞昏歎短衣。截蒲依大澤。隨樹坐空幃。客笑離家粲。人稱赴洛機。他鄉風景是。故土歲華非。早上銀袍換。從教瓊筆揮。承恩須製錦。食德慎觀旂。晝靜巾箱積。門閑車馬稀。放衙足高臥。學仕亦長饑。遣舄王鳧返。生塵范甑歸。歌哀增忼愴。道遠莫稽違。石棧投身入。天梯引領晞。千盤登律峯。九折上峩巍。何

處水雲濶。幾年蓬梗依。消愁時帶劍。拭淚試停騑。地主尋劉表。書淫憶竇威。還家欣並轡。障步解重圍。浦口乘潮信。樓頭伴月輝。詠花成絕筆。占夢兆先幾。設位留丹旆。鳴琴斷碧微。遺書猶在篋。宿草變芬菲。

鄭板橋墨竹

古來畫竹者。白氏推蕭郎。右丞亦不俗。妙筆冠有唐。近世曾孔孫。瀟灑或相當。興化鄭使君。乃是後來芳。發竿自爽勁。掃葉更空蒼。雙鉤得古意。疏密皆成行。挂向素壁上。秋風生畫堂。煙雲忽過眼。晴色綠一窗。板橋流水盡。猶見潑墨光。

月夜舟中孤坐

獨犬何曾花外吠。閑鷗白向浪中親。橋低欲斷通舟路。樹禿猶安宿鳥身。一掬水清顏可照。三生情重夢難真。只餘頭上



團圓月相對分明似故人

臘日陪視鄰先生宴游西園

有約能尋塵外蹤。水邊吟瘦一枝筇。石華侵上多。緝樹雲意。堆成小朶峯。宮禁當年傳白牒。野園殘臘折黃封。宵來相對猶疑夢。寫韻燈窗落燼重。

和作

平湖屈為鼎寶汾

纔放野梅花數點。水亭便覺十分清。石因孤峭存風骨。竹為清癯見性情。我夢甘同蕉覆鹿。君詩大似海吞鯨。歲殘小閣餘吟賞。門外流澌權入城。

初夏過棲心寺

極浦愁無奈。扁舟興不忘。隔汀荷葉小。緣岸柳絲長。日影落初地。雲陰空上方。迷離金粟散。隱現石龕藏。慧鏡翻明髻。靈

旛護講堂。老松殘琥珀。修竹亂篔簹。夜雨閉敲鉢。春風暫裹糧。紅椒肥遯處。草蔓一庭荒。

晚渡

煙深不見人。雲深不見路。隔岸一舟橫。喚趁斜陽渡。

王江涇

舟行夕日佳。輕楫任容漾。遙愛雲木清。披襟舒以暢。長橋汜急湍。水鳥浴迴曠。居人話桑麻。旅懷默惆悵。羣倭昔內訌。殲兵復殺將。桓桓張經畧。軍容肅牙仗。一戰走豪酋。海疆憑保障。時危英雄奮。跡往川原壯。殘紅明野花。淺碧馳沙浪。十里短長亭。橫塘接平望。斜陽逢底畱。臨風發浩唱。

謁陸宣公祠

慷慨論前古。艱難仗老臣。勤求先帝業。薦享五湖濱。命世鍾

似杜



元弼逢時去壽春英雄初入穀縣尉奈同倫素合青宮美偏  
勞上使陳執經曾拜杜問病久師荀視草情欣託談兵氣益  
振盈庭呼內相入覲待中宸變已生倉猝賢寧獨賤迤涇原  
將失險車駕忽蒙塵滄水迎軍速官家下詔新直應孚虎旅  
誠欲犯龍鱗賜采榮堪比焚書事莫因謀猷能格主讎語竟  
如賓奉諱方歸洛銜恩遂及親中官監護善蜀帥餽遺頻一  
串茶餘愛他鄉賻遠臻法從樞省定邊共夏卿巡得士由廷  
榜平章賴降神尹周功可敵房魏迹常遵漸發行宮庫猶安  
藩鎮民密書疏未上諸道賄難申罷自憐公輔來惟歎抱真  
名高存社稷位貶偃經綸殄行傷迷國良醫驗活人爲傳司  
業棄誰復守門伸賈傳徒嗟命留侯但乞身編書餘竹帛畫  
閣想麒麟廟貌欽長在風聲幸不泯甜瓜尋永巷樵李肅明

禋像剝捐金寫亭空舍矢均寒鴉嗥落木野雀亂荒榛柳氏  
芳園廢楊公舊院鄰往來瞻仰者志慮識忠純

古劍

星鐔鱗缺篆奇文湛湛精英黯不散作白光能銼鐵結成  
紫氣欲噓雲漫言俠客蛇三尺曾致華陰土一斥便合雄名  
思報國霜花滿地靖妖氛

夜泊楓橋聞鄰舟簫聲

點點繁星掩月光夜闌畫舫過迴岩鐘聲已攪離人夢聽到  
簫聲更斷腸

短歌行

朔風如刀急雪如席我思御冬惟有絺綌解一草木黃落松栢  
青蒼非枝之堅其心孔長解二百鳥高飛哀鳴求食我則嗷嗷



汝不我恤三解獨居無偶不如遠行結交中絕不如路人四解人  
生百年白駒過隙臨觴不樂容華銷歇五解

紀高秋艇丈沈扶兄櫬秦中事丈自有紀成詩嗣君春蒸茂才補作紀葉

良峯上舍為寫圖

龍文驥子稱最奇當時一門羅珠璣伯也銅符宰劇邑牽手  
秋風嗟別離一日歌傳絕絃曲淒涼鶴語音塵微儻弟聞之  
痛不止束囊星夜馳驂駢蘆關傳檄羽書至圓水驅兵營  
移累月秦中病羈挂安能無翼東南飛飲馬池邊日慘淡鬪  
雞臺畔風淒其鬼燈如漆沒秋草烏道詰屈人蹤希侯家河  
灣忽在望細雨飄蕭侵短衣驅羸冒雨踏危巘湍流猛駛平  
涯圻倉猝車翻羸立斃僕夫相顧生驚疑從知至誠有天相  
縱然危地如坦夷歸去高堂問前事燈前細訴增歎歎兄骨

可返兄不見一身相抱孤棺依隻影萬里誰為伴銘旌在途  
唯涕洟青苔白日足悲歎血灑平原陽卉腓延安城北鶴鴿  
痛霜天萬象昏陰霏急難如此愧薄俗參商不見徒嘲譏交  
柯之木出同土忍分榮悴東西枝世間友于亦儘有此事信  
足千秋師

褚涇晤徐雪廬熊飛

銷瘦湘江楚客魂故人招隱隔谿村平橋水滿放舟晚古樹  
雲歸棲鳥喧君住小山遲挂笠我尋幽竹獨敲門相逢把酒  
懷高士叢菊荒寒俎豆存時話李河夫佚事

小院露坐

嫋嫋秋風淅淅雲纈衣簾內蒸爐芬性情淡欲同禪客風味  
甜應似麴君鶴唳一聲方夜半桂花滿樹近秋分閉愁台與



禁當盡。松扇搖看水柳紋。

薄寒

夜靜人閒玉漏遲。淒清最是薄寒時。尋思好夢憑孤枕。學唱迴文聽侍兒。花縱無言心獨抱。燭如有恨淚雙垂。重簾莫放西風入。畱住秋光伴酒卮。

答胡慧園

衰草寒雲一雁空。殘年心事雨聲中。更難隔巷看新婦。還日登山刈晚菘。遠寺鐘鳴延月白。孤城木落染霜紅。庾家墓下蕭疏竹。聽唱王郎幾曲終。

琉球刀

天吳蝸像空嘘吸。交波沸浪龍蛇蟄。寒茫騰出黝魚皮。前有脫光怒挺立。客來示我雙哀刀。冷氣陰森肝膽懾。想當雨淋

日炙初膏以鷓鴣。光煜煜。葉壁曾磨礪。石堅砂川靜。淬清泉。涇姑場。山頭禽鳥飛。那霸港口鬼神泣。凜然見之寒生毛。錦帶吳鉤幾能及。酒酣起舞氣凌厲。收拾神光藏祕篋。方今天子真英靈。西寇一朝奏凱捷。中山自古屬波臣。朝貢年年勤獻納。摩挲回首睨滄溟。三十六島白虹壓。

落梅

又聽江南鐵笛聲。春來慣訴別離情。詩畱解舍人初去。夢斷羅浮鳥亦驚。最怕疏籬風一樹。空倚紙帳月三更。杏桃豔奪陽春色。不及開餘半點清。

白雀寺題壁

不見青蓮湧水灣。空餘白雀繞禪關。泠泠石溜通前澗。謾謾松濤響遠山。



亂峯濃抱佛頭青。夜半風搖數角鈴。我亦隨僧入初地。讀殘一卷法華經。

疏雨東風竹徑幽。悄無人語獨登樓。鶯花十里春光老。惱殺

題詩蘇碧虬。昔有女子刻詩于寺前竹上云。閱拔金釵撥翠

風總未真。後書吳門蘇氏碧虬題見。觚賸續編。

峴山雜詠

窪樽亭

沽盡烏程酒。樽中幸未空。幾回亭石坐。日映醉顏紅。

逸老堂

獨有披裘心。閒傳招隱句。當時十七人。白雲盡畱住。

明霞墓

春雨滴成淚。岸花開帶愁。團團舊時月。忍照峴山頭。

滴翠軒

暖霞散柳邊。宿露泣花上。空翠溼衣襟。夕陽隱青嶂。

讀書樓

好風掀簾帷。幽鳥入几席。向晚聽漁歌。窗中遠岫積。

酬閔莠軒

受祿

卽簡其兄緘三

受昌

茗谿城南蓮花莊。鷗波道人結草堂。文采風流久歇絕。水清

宮闕秋風涼。我來抱被逾信宿。細影幢幢落殘燭。閔郎夙負

大雅材。高歌白雪陽春曲。東莊西莊幽人居。綠波新漲流前

渠。埽除先作一室計。水光山色明琴書。卽今年方二十一。夢

中已得生花筆。落魄江湖偶然耳。他時應詔來宣室。君家兄

弟不可當。季虎頭龍盡激昂。王孫一去不復返。才調與之相

頡頏。



由衡山之金蓋山

雞犬三兩聲，隔巷四五家。停橈傍岸泊，船頭飛落花。望望衡山側，一泓流水斜。高田足禾黍，絕壁騰雲霞。樵子負斧立道，我入幽遐。迂迴盤石徑，深樹喧唳鴉。回顧舟中人，依依水之涯。天桃赤瑪瑙，翠竹青琅玕。桂枯好鳥寂，松老虬龍蟠。迢迢深山路，重重白雲端。渺然塵想絕，振策凌巘岈。古寺峙高嶺，落清風寒。臨厓一以眺，身如鵬鷲搏。千載有幽人，古調時獨彈。

何楷讀書堂

荒煙鎖深徑，暝色落豐碑。廢瓦花重發，虛堂鳥暗窺。松陰斜日漏，梧葉曉風吹。嶺上白雲杳，空尋舊講帷。

吳興畱別

紫桃花發過殘春，仙路迢遙怕問津。流水無情送歸棹，好山有意屬詩人。鶴莊覆茗成樵隱，魚滬垂楊就釣鄰。東武亭荒幾回首，栗畱唳破碧痕新。濕煙霏雨草萋萋，綠滿城闌剪髮齊。薄采初蘋凝暮靄，相依雙燕度前谿。鷗搖斷岸水聲急，舟入平橋颿影低。不見便如千里遠，情人碧玉月河西。

閒居雜興

景畧非甘石，隱蘭成合賦。園居卽到廣，寒宮內諒無。過此清虛，買笑薔薇壓架，將離芍葯翻階。送別封姨十八，看花暢我襟懷。



張祐詩牌歷亂。孟公茅閣瓏玲。倚枕看棋數局。曬書暴腹中庭。

聽鳥時親禪榻。網魚且伴漁童。醉倒幾迷歸路。風燈一點搖紅。

### 鱒魚

生懷肉食鄙。不願飽豚豕。惟魚我所欲。登盤供饑叔。江水出蠨蛸。田泥生苗鰕。豎殼飛蛤蜊。于留麗鱸鯊。漑釜去其乙。揚鬢大盈車。爲傳舉網得。聊遣向市賒。鱒魚紀爾雅。名疑鸛嘴。差色辨黃白。異斑看青黑。加善漁費香餌。編蒲身宿沙。晨興食指動。覆餗寧見嗟。于時勅中廚。曷禁笑語譁。高踞竈觚側。煙障眼有花。洗手調羹湯。癖或類嗜痂。美味但入唇。細嚼甘齒牙。匕餘羞獨饗。隔屋呼西家。自笑爲口忙。醉飽成生涯。幸

吾舌猶存。猛噉腹自華。欲補崔浩經。狂詞吐滂葩。

### 題錢藪盦初游草

矮箋寫韻傍林芳。延歷寒雲路幾層。松柵嘯雞催短夢。袂衣騎馬踏重冰。吳歛罷賜楞伽餅。越豔新題柿葉綾。輸與曾曾符彩峻。生知勃率似張憑。

### 火澣布

扶南浮大灣。東有耆薄國。緜延五千里。火山峙其側。物產悉靈異。此布尤奇特。純精稟太陽。皎好頗白皙。曾聞不燼木。晝夜光昱奕。暴風亦不熾。猛雨亦不熄。黠鼠二尺餘。豐林自跳躑。織毛緝爲紋。絲絲露囊積。圓燧抽祕華。丹脂吐靈液。糾亂雜腥羶。扶摩快湔剔。初浮氛冥冥。旁翥輝赩赩。或疑隅泉經。豈煩天女織。總絰名易詳。涼翫義誰繹。梁冀怒解衣。魏文詔



刊石宜借金縷屬。合炫玉清宮。虞廷昔獻黃。天竺亦凝赤。搜  
神博記載。杰公遙辨識。配以龍膏燈。比之阿羅得。古殿祕奇  
華。威名賓沙越。圓淵供漂蕩。蕭邱任洗滌。開奩疊軟毳。騰發  
張餘焱。萬物縱乃擒。五行生是剋。薄澣復薄汚。載濯斯載赫。  
不戢非自焚。服之貴無數。藉彼燥物威。保此自然色。輕麗極  
彌牟。柔滑披弱錫。黃潤殆比筒。白氈或如雪。縱令溢生涯。詎  
能訪遐僻。維有石狻類。其生出石隙。臨試示百僚。秉杼空  
室。獻賦憶殷臣。馳表誇曹植。荒邪者來庭。貢篚超重譯。

宋李伯時渡水羅漢

十八開士癯而癯。獨擅變幻多神通。日光滿身忽飛舉。徑渡  
萬里如摩空。呪鉢生蓮法清淨。碾石見水開鴻濛。三車趨逐  
妙喜國。七燈迷離兜率宮。何來滄嶼遍極目。故作狡獪驚盲

聾。舞象垂鼻旁趨立。戲猿攫爪爭扳逢。霞邊噓氣現飛槍。沙  
際奔雷拏毒龍。要使珠裝點慧日。忽開輪齒騰雲虹。赤髭直  
射勃鞞外。白足不墮崑崙中。前者方袍到彼岸。後者紛紛伽  
藍從。千巖突兀迸怒瀑。百怪噴薄含腥風。滅魔自具大威德。  
山河炫眼琉璃籠。泛葦浮蕉一磔指。金刀斫斷三枝筇。雕譚  
妙辯行宗宗。琅函貝葉披重重。法要因乘得戒定。布毛拈起  
吹瓏鬆。果是馱經有神馬。行將步牒來山童。遙波濬源酌不  
竭。妙臺慧殿觀無窮。振錫或從康居至。渡河應詫木杯同。冰  
夷傲睨且駭走。翩翩旂影翻芙蓉。迴瞻碧津正浩渺。石梁斜  
界雲霧。須教大乘示機警。不僅誇傳奇祕蹤。龍眠老子善  
喻法。現前幻境離塵蒙。真禪領取像外意。破墨揮灑參神功。  
枯坐凝眸發深省。恍如將覺昏晨鐘。澄心堂紙看猶濕。畫堂



白日聲琤琮。顧陸張吳盡。搜攬天機所。到空繪工。平生未見  
坐太息。欲超九劫真。夢夢乃知世。尊無障裏。霎時縹緲登瓊  
峯。誰渡愛河。寒慾網。飄然巢我摩頂松。萬態奇炫。只倏忽耳  
邊激迅。洪濤春。

紫華舫詩初集卷一

紫華舫詩初集卷二

平湖 屈爲章 含漪

結交行

妖童寶馬門前過。秋金鑄鞭明綺羅。上堂長揖主人出。玉花  
珍簞生微波。故交十載猶寒賤。新交一夜芳樽宴。醉後相要  
指天日。爲恐交情中道變。主人廣結交。新故異時見。異時見  
如路人。請君爲語堂上賓。

南邨雨後

餘溼板橋滑。積陰松徑幽。黃鸝飛古木。白鷺入虛舟。草色碧  
鋪地。花枝紅滿樓。腥風吹曬網。漁婦立谿頭。

陳所翁畫龍

虛堂颯颯秋風寒。墨痕漲壁神龍蟠。恍惚電光走霹靂。欲雨



紫華船詩初集卷二  
不雨雲漫漫。所翁醉倒聞龍吼。倒豎鬚眉一揮手。筆落千尋  
煙滿身。此畫乃許人間有。決裂山嶽翻滄溟。天地變色神鬼  
驚。頭角崢嶸失雙劍。爪牙銳利驅六丁。是時元氣濛濛溼。直  
上擎空勢呼吸。滴瀝天瓢入手來。忽看銅柱飛濤入雲車。不  
絕聲隆隆。馮夷擊鼓瑠璃宮。光搖波血尾殷紅。神精真爲鬼  
物雄。胡爲偃蹇沈煙霧。破壁何時上天去。無雨三農日怨咨。  
猶道乘雲時未遇。吁嗟乎。所翁一去已千年。此龍日夕青蜿  
蜒。屈伸從時忽變化。龍耶人耶今並傳。

昇山曉發

殘月忽墮水。晨星猶在天。村雞唱喔喔。獨客那能眠。急呼舟  
子醒。解纜桑樹巔。芰荷香氣清。好風吹滿船。兩岸絕人迹。疏  
樹初鳴蟬。

夏日村舍

寂寞柴門午尚扃。松谿風細自清冷。閒安碁局無人識。偶與  
僧譚有鶴聽。高閣雨含雲氣白。短牆翠繞竹林青。蓮花貝葉  
餘清供。妙諦還參十地經。

池上納涼

日影納虛牖。簾痕疊水波。藕花涼意早。梧葉雨聲多。雲盡見  
山藪。煙生滿苧蘿。蕭然無伴侶。鳥鵲和清歌。

夜宿湘煙館起坐望月

一覺游仙夢。驚迴月在門。風清逗簾影。煙細入花痕。韻發柯  
亭竹。名題瘦木樽。嫦娥不解事。誰與訴離魂。

古意

野鴨唼長水。一雄挾五雌。沙頭宿雙鷺。飛去便相思。



寺門

銷夏詞

招提山下寺門開。落日猿啼聽最哀。偶向陽阿晞髮坐。一聲清磬隔林來。

高樓曲曲十重圍。丹鳥時流扇底輝。不使班姬怨離別。秋風今歲獨遲歸。

浮瓜沈李散交威。踏月寒谿緩緩歸。一幅鮫綃甘后帳。饑蚊應不破重圍。

重門邂逅思難禁。蟬為風多響正沈。偏向恨人嘶又急。夢回枕簟晚涼侵。

鬪蟋蟀

秋空霜月白。旅景太淒清。在宇陰蟲健。誰家嬾婦驚。每開金籠罩。堪代玉簫聲。寸草常挑戰。千錢未息爭。羸師疑跳蕩。善

前首已云  
丹鳥以此首  
可不名月夜  
事  
東作詞意  
俱久流暢

將決縱橫。合地偕蠻觸。登壇按甲兵。摩牙方瑟瑟。鼓翅正盈盈。養銳當沙塹。交鋒入甕城。俄焉張毒口。倏爾亂昏睛。壯士初完壘。將軍急靡旌。比鷹韞上脫。如鼠穴中躑。細喙臨危奮。前茅剪孽平。武陽應變色。亞父亦輸情。月額先藏袖。花籌為買名。騰聲聞凱奏。振羽識功成。性敵勞三走。驚人負一鳴。敢誇餘勇賈。休使此心傾。伏莽從戎退。于思棄甲行。射肩鬚亦斷。傷股力難征。賈相威權替。唐宮歲序更。悲絃煩永夜。束帶愧前生。惱殺閔兒女。呼燈出郭迎。

秋日書懷

哲兄京洛返。我年甫十齡。剛日教讀史。柔日教讀經。慮我不自藏。為書子玉銘。美玉貴韜光。寶刀待發矚。兄忽厭世去。熒熒恨我生。終歲困蝸廬。安得凌紫冥。况復作秋士。靜對窗風



冷○散盡千黃金○知交漸零落○輕試狂直言○剛腸爲疾惡○一朝偶  
觸忤○紛紛太輕薄○唯○有素心人○聊復效諤諤○出門哭窮途○獨  
行氣蕭索○上書不得意○歸來竟何託○妻妾那復憐○謂當填溝  
壑○丈夫自有心○文章束高閣○將爲萬里游○放眼極寥廓○  
森森千丈松○枝葉未有害○獨彼玉井桐○經秋顏色壞○營營盤  
中蠅○當日趨炎太勢盡○難附威○寧復見狂態○士果能自立○貧  
也亦非憊○君看甘季思○卑時膽幹快○

送李鱸鄉經法之鄖陽

十日西風破茆屋○借移莞蕝鄰○家宿悲來拔劍斫地歌○賓御  
聞之助我哭○忽聽蕭蕭征馬鳴○到門有客聲剝啄○相逢豈是  
夢中尋○我爲吹篴君擊筑○君家西冷山水奇○南峯北峯看未

足○况復傳家有錦囊○壯游齊魯兼秦蜀○夕陽影裏讀殘碑○流  
水聲中坐修竹○客秋別我去秦淮○小拍紅牙和紫玉○歸時三  
月天氣晴○莫愁湖中春水綠○人生別易會苦難○野草離亭月  
漉漉○爲邀吾黨二三子○隔座藏鬪醉芳醪○驪駒在門客前席○  
相送蒲帆十六幅○襄陽小兒戲攔街○六隄諸女豔驚目○我亦  
東西南北人○羽衣縹緲追靈躅○題詩直上黃鶴樓○壓倒崔郎  
駭流俗○

捕虎行

鬪牛山深林樾黑○山旁有徑無人跡○海波翻動風怒號○猛虎  
跳踉出山側○目光閃閃環黃金○頭顱半妥蹲孤岑○抱石踞坐  
忽長嘯○沙塵蔽天古洞深○獵徒牽犬號且走○忽見東營捉生  
手○長戈強弩並交加○那許村氓飽虎口○椿喉剝腹勢須臾○鳴



有以一結  
方不覺其  
淺直

金擊鼓千人呼。近前諦視疑未死。血腥滿吻光模劂。君不見東海黃公負異術。赤刀已被佞鬼竊。翦除大害海風清。荒林灌莽秋蕭瑟。

古柏

古柏十丈強。亭亭鬱蒼翠。高蟠龍蛇形。飽納煙霞氣。倚巖勢參天。陰森根裂地。春風嘯野鴟。夜雨走山魅。路僻虎狼行。巖空蝸像畏。獨擅輪囷材。樹立千秋計。何年依我居。珍重勿剪棄。比松列虬角。如檜排雁翅。綠玉肖樹間。青銅夏庭際。元膺露瘞骨。仲寶懷奇器。匠顧負斧迎。麕食逢人避。欲尋黃冠師。徒倚石樓憩。

花朝感舊

當年步履出迴廊。約畧曾窺半面妝。端爲吹簫憶羸女。不堪拈管效冬郎。杏花雨溼鴛鴦瓦。楊柳風飄玳瑁牀。懶向簾前撲雙蝶。今朝悽斷怨春芳。

春草

江郎送別黯魂銷。南浦春深盪畫橈。溼染香泥黏屐齒。柔縈細柳鬥褰腰。無端風雨愁三月。不盡興亡恨六朝。結佩自憐騷客裔。一聲鶉鴉正殘宵。

寒食日郊行

不見故人久。纍纍荒塚連。梨花千點雪。柳葉一谿煙。微雨灑餉粥。野風吹紙錢。我行紛涕淚。腸斷夕陽天。

燕燕篇

去年八月銀塘露。玉剪雙雙拋不顧。今年晴送一簾風。又值江南花似霧。江南畫樓相對開。歌聲宛轉淒以哀。翠羽拂簷



低度去鳥。衣掠水忽飛來。來去無情劇相識。午窗夢斷人寂  
寂。夫婿天涯遠別離。紅妝漸減傾城色。

文後山上舍鼎出所藏漢趙婕妤好玉印示余屬賦長

句

一片晶瑩水蒼玉。匣中照耀光侵目。屑以蘭麝纏錦綾。盈握  
濃香染芬馥。三字分明趙婕妤。紋鳥篆披瓊瑤。苦畱矢激  
星移後。珍重煙銷灰滅餘。憶昔翩翩號飛燕。承恩始自鴛鴦  
殿。生憎夜月怨長門。那有閒情賦團扇。百寶鳳毛步輦低遠  
條。館內曉鶯嘯。鴨頭掩映移金盃。猩血斑斕暈彩泥。能合承  
光司帶意。玉脂點頰彌增麗。孫氏琉璃空復情。吳宮琥珀不  
成器。小朱施罷慵來妝。春風日夕吹昭陽。釧重開。緘嬌染色  
鈿。空落紙夜凝光。玉階銅沓春寒重。壁帶金釭酣晝夢。雪聚  
曾聞紗帳明。淚揮枉說唾壺凍。含情姊妹解溫柔。不許前星  
燭。漢流牘背頻催書手跡。赫蹏還自漬冰油。藥丸密裹深宵  
出。自啟囊封臨飾室。當時禍水汨交精。至今片玉敲花骨。君  
不見。木門搖動倉琅根。飛來燕燕啄王孫。綠絲方底中丞印。  
故物摩挲忍再論。

垂絲海棠

來從西蜀地。開自豔陽天。旖旎環瓊壁。繁華映錦鞦。枝高青  
蒂護。榦弱紫絲拳。巧媚懷孫壽。橫陳學小憐。低頭常帶怨。薄  
面爲誰妍。勻抹千行淚。斜籠一縷煙。有風吹不斷。無力恨難  
牽。麗質輕綃炫。濃輝絳縠鮮。綠珠墜樓下。紅線倚窗前。金屋  
何年貯。銀鐙永夜然。花花翻鞦韆。葉葉亂秋千。妙舞迴長袖  
新妝照綺筵。羞同蛛網漏。合並柳腰偏。採雨飛蝴蝶。傷春叫



杜鵑多情如解語，不俗便成僊。小院留名友，狂吟續短篇。

雨後酬胡蕙園見懷

一雨浣春色，數峯青到門。蟲絲亂花影，鳥跡護苔痕。酒熟邀誰酌，詩成獨我論。胡曾故園裏，寥落幾人存。

蒔竹

一窗逗疏碧，靜晝薄陰移。翠淺衣堪滴，風清鶴不知。古垣披葉滿，幽谷到春遲。此際足留客，題詩過短籬。

采茶

溼袖嵐光翠，蒸籃日氣濃。綠芽盈一剎，紅繭簇千重。不讓先春摘，相將小甕封。吹噓依鼎鑪，好女類臨邛。

采桑

不見橫釵影，空聞落剪聲。此時盡提籠，何處更彈箏。紫葢隔

牆密，紅蠶登箔輕。閑閑十畝畔，姑惡正飛鳴。

采蓴

雉尾細如弦，江南四月天。微風牽荇帶，淺水隔荷錢。薄采迴舟晚，新烹入饌先。流匙太柔滑，味比荔枝鮮。

舟次震澤遇大風

溼雲濛濛蔽四郊，墓田枯樹鳴飢鴉。湖流忽作江海濤，浪花十丈銀牆高。鰕虹欲沒颺母驕，板屋飄轉沈塘坳。南船北船爭停橈，水勢直欲壓亭臯。孤客臨風不自聊，浩歌遙和聲調

重宿蓮花莊感懷示楊毅人

頻年客茗上聽唱，四時歌地本看山。好情偏感逝，多蠻鄉猶

逆旅。客閩六廣文石棧此經過，才吳六茂獨有楊修在。相期醉薛



陸芷江孝廉 沅 花燭詞

凌雲健筆自催妝。聽逐簫聲引鳳皇。開遍絳桃花一樹。武陵  
昨夜漏春光。畫睂認取初三月。描出彎環最有情。花下玉人相對立。笑看  
雲鬢太分明。

惆悵詞

空潭碧水淨無痕。昨夜玉梅香返魂。不信行雲有使者。來騎  
竹馬肆風旛。姊弟還家冷雁天。阿孃揩淚阿翁憐。孤舟小泊楓橋下。霜落  
烏嗁月未圓。

題惆悵詞後

海寧 鍾大源 晴初

當筵小史按紅牙。玉貌如花不是花。懊惱濃芳畱不住。隨  
風好去落誰家。夢得

窄袖蠻鞞舞一場。重茵人去錦猶香。從今暮雨蕭蕭夜。不  
為吳孃更斷腸。

迦陵曲奏紫雲嬌。公子風流一倍豪。紅豆拋殘春水綠。幾  
時重見鄭櫻桃。

舟行卽目

暝色孤篷上。蒼然接太清。水翻雲欲活。舟緩月同行。老樹長  
蛇穴。荒墳怪鳥爭。篙師頻擊楫。遙趁夜潮生。

贈鍾籥谿布衣 大源

君不見長安市上金張客。意氣相親矢金石。無端睚眦起戈  
矛。一朝對面雲泥隔。交情輕薄古所羞。我悔年來愛遠游。不



遇雲卿敢求友。每思安道將乘舟。去年春泛雪川路。座逢吳質。夢唐誦新句。欲往從之路未遙。寸心搖曳津亭。歲暮身隨朔雁來。剝剝啄啄柴門開。有才如此命終薄。天意何曾不忌才。四海追隨幾雄俠。西山朝爽峯巒集。丈夫意氣迴超羣。那惜空囊日羞澁。吁嗟乎人生寧必官職皆三公。亦不必朝游南海南。暮登東山東。但使文章足千古。俯視跼蹐人世真。乃可憐蟲。我今見君忽傾倒。抱膝高吟風格老。梅花香裏歲寒心。閉門不受塵緣擾。由來奇士知音稀。仰屋著書忘是非。還將南楚張司業。竊比襄陽習彥威。

硤川道中望審山

海雲團碧空。朝光散林薄。浩歌臨中流。前峯勢如削。危梯上峒崿。孤塔聳崖嶠。凍禽悄無聲。斂翮下寥廓。蒼翠忽飛來。灑

然篷底落。緬懷裴文舒。餌芝隱清壑。我亦抱山吟。真情契恬漠。

舟中雪後有懷

月冷天光迴。琴清詩思勞。嚴江三百里。風雪釣臺高。

過周松靄丈

春著書齋

地僻抱城市。門前水渺漫。凍雲黏雁重。危竹埽落乾。劍古龍紋澁。書殘蠹影寒。一編諧噉繹。同學幾人看。時以所著十三經韻畧杜詩雙

聲疊韻譜見示

送石遠梅

鈞

身如野鶴上孤舟。薜榭莎亭總倦游。回首滄江隔煙樹。夕陽明滅亂雲流。

君子有所思行



顧望長安道。千里壯城郭。日出臨含元。花開照長樂。選色極名姝。徹夜笙歌作。香塵步窈窕。祕器藏參錯。垂以玉流蘇。疊以金絡索。擅寵首椒房。恩幸入羅幕。宴安難久居。此理可預度。慎莫當盛時。驕奢棄菲薄。風光不相待。節物易凋落。豈若甕牖子。終年餐藜藿。

乍川歸棹懷邵童谿上舍

澂

海上腥風起。孤舟帆影斜。亂山送歸客。落日帶飛鴉。雲水渺何處。桑麻深見家。鄉關頻極目。之子隔天涯。

村家

春晚落花香。春深流水溫。隔谿數鶯鳴。旁舍散雞豚。遲日桑苞嫩。輕煙柳色昏。拾樵童子去。曳杖候柴門。

題南宋江湖羣賢小集

臨安道人陳宗之。書籍舖傳嘉定時。是時東南盛風雅。才人游集如蟠螭。酒市茶寮徧題詠。不惜嘲笑攻偏師。謾謾松風琴際入。垂垂蕙露毫端滋。睦親坊前捺劄。搜羅毫翰差無遺。作者六十有二家。雖無名位都環奇。轉徙江湖得不死。駢珪疊玉何淋漓。篋中編載雲卿稿。國秀集存樓穎詩。良工心苦或相似。遂使標榜人人危。宋代文章易致禍。蘇黃昔亦遭羣疑。時事千年句誰作。况聞楊柳梧桐辭。周趙劉敖同被累。景建先期忤有司。宗之刊詩亦不免。含憤獄戶嗟流離。分別門戶足名謗。轉相詬厲爭怨誹。由來忌者乘間入。如腹中蠱生瘡。痍刊章詔禁亦何益。雲函仍復披珠璣。江湖諸老半湮晦。姓名恰藉遺編知。文章存沒信有數。可惜當年朝政非。丞相威權議廢立。嫌隙紛紛逮布衣。乃知紀載盡存實。三復斯



編空涕洟。

和鍾海六明經駕鰲詠蟬

一簾清影坐橫琴。靜聽元蟬抱葉吟。聲曳古槐秋意到。夢回涼簟月痕深。空山雨過消殘暑。碧樹雲疏伺晚禽。我亦平生慕高潔。臨風早有澹然心。

同作

平湖 屈何煥祖望

空山誰與和瑤琴。賸有秋蟬葉底吟。響逐曉風清夢破。聽當落日小園深。新詩我愧追盧駱。靜境天教付向禽。莫道居高聲自遠。相期共保歲寒心。

孫小蘭仁開將別余去戲簡

水鄉魚稻足清幽。相挽秦嘉十日留。有約忽因明鏡覺。歸帆殘月正如鉤。

燕

燕剪輕盈曳柳梢。銜泥故故返衡茅。主人貧比去年甚。偏是殷勤戀舊巢。

尋幽

尋幽自踏筍皮鞋。心跡差堪倦鳥偕。忽漫逢僧停洗鉢。乞詩頻奉水松牌。

為朱芟堂為弼題月潭八景圖八首

柳隄鳴鶯

長隄二三月。垂柳舞風輕。花落不知處。鳥嘯時有聲。野煙籠素影。春水破柔情。會得主人意。苦吟相與賡。

松石晴嵐

壓松雲鬢鬢。漱石水潺湲。曲徑欲迷客。斜陽未掩關。濤崩驚



鶴夢月淨伴人閒。自有靜中趣。無言臥看山。

釣臺煙雨

細雨斜風裏。有人開竹扉。閒尋紅蓼渚。靜理綠蓑衣。相待一竿放。忽驚孤鷺飛。醉來拋鐵笛。安穩臥漁磯。

石門瀑漲

濺水亂晴雪。劃山衝怒雷。響從危石嚙。光波白雲開。不盡粘天合。無邊動地來。俯觀眩雙目。嵐嶂闕崔巍。

澄潭印月

秋空極天淨。冷月徹中邊。遠樹橫枝直。長橋得影圓。伊人閒覓句。此際足參禪。獨夜不成寐。嫦娥猶自憐。

南屏疊翠

涼透玉花簾。翠流金縷屏。竹枝敲地碧。嵐影入江青。薄袖朝

還濕。深林晚未暝。夕暉忽來照。疑上洛陽亭。

西山晚煙

日落寺鐘響。一聲歸暮禽。晴光餘古屋。暗色起疏林。水繞漢陽渡。月明天姥岑。西山同此景。靜證白雲心。

玉峯積雪

不知山骨瘦。積素欲嵌空。凝照佇新月。將飛逐晚風。野田噪飢雀。沙渚誤歸鴻。此亦披裘坐。吟成爐火紅。

秋夜城南書事

秋風如水階下流。吹動落葉聲聲愁。此時昏霾忽澄霽。瓊樓玉院開清秋。清秋置酒張高宴。一點殘螢扇底見。前夜雙星已渡河。灑將淚雨人間徧。人間高絳壓闌干。邃牀坐覆蕉陰寒。城南少年恣歡會。門前有客爭解鞍。愛君今人意氣古。聽



紫華舫詩初集卷二  
君高歌爲君舞。漢東太守賢豪流。李白橫眠枕其股。不是書  
生骨相屯。由來清爽非卿倫。高才廢事足可惜。恩怨茫茫問  
路人。醉酣不覺酒腸窄。海月空濛一輪碧。絡繹衰燈曉夜寒。  
疏星濕盡涼蟾滴。蕎花棗筴清光齊。閒行鼻觀香霏微。歸去  
葛衣露華冷。荒荒月落天宇低。

酬高春蓀

廷燦

卽次見贈元韻

僻居無俗累。穩臥守荆柴。名士得秋氣。病夫多客懷。雲容獨  
峭潔。花意亦清佳。復此陶然醉。行吟許我偕。

薛素素畫蘭

雙頭細蕊寫紈羅。見輒生情喚奈何。爲是美人留墨瀋。菲菲  
芳氣襲余多。

挾丸走馬盡風流。韻事吳都算最優。想見口脂香染處。側釵  
移袖倚樓頭。

餞菊

暝色上籬落。悄然成畫圖。霜濃花意澹。酒冷客情孤。荒徑愁  
多少。寒燈夢有無。餐英憶重九。詩味尙清腴。

釀酒

今年禾黍熟。頻酌五雲漿。幾夕糟牀注。連村穉甕香。泥封餘  
竹翠。泉滴瀉珠光。拌醉千愁散。高吟類楚狂。

游魚落花小幘爲沈遠亭

蓮生題

郁郁渚蒲芽。青青水荇帶。埜塘晴晝長。風景媚芳藹。答簪掛  
船頭。亂紅一棹流。唵喁逐魚隊。掉尾自泳游。煙迷離雨霏。微  
殘英散點。春芳菲。浪花夾錦渾無際。金色鯉魚尺半肥。蕩漾  
平沙露清淺。花愁莫許人愁遣。尺書不見遠方來。終日垂鉤



俯紅激

吳兔牀文騫枉詩見懷并投所著拜經樓采長歌奉簡

通為氣

勢浩瀚有

貫長江之風

麒麟有角龍有耳。男兒結客貴如此。白日照耀無纖瑕。炯炯丹心誓生死。吳侯直是作者師。森然矛戟人趨之。斑鬢如銀年七十。讀書坐令兒曹嗤。我慕吳侯自少小。印來弱水摩尼巧。未曾識面先傾心。合與憑凌躡燕趙。東湖之水清且漣。風闊萬丈吹雲煙。西隔桐谿百十里。美人懸絕誰鬪妍。前年一棹出愚谷。嚴寒四體傷鞞痲。往還兩地適相左。同對寒山淨于沐。去年正春陰。綠綺撫孤琴。飛來綵毛翰。繼以瑤華音。令我怵怵心忽動。欲披赤霞控白鳳。今年復示一尺集。高挹劉曹凌屈宋。君詩如大海吐納。瀕洞羣物在。又如入波斯眼前。

百怪炫奇采。雲和之笙且莫吹。元靈歌曲將遺誰。河鼓龍梭盡棄擲。等閒不敢從旁窺。人間顏色朝非暮。千騎塵頭染縹素。蘅杜飛殘縹緲香。樓梧塞滿丰茸樹。如君道誼真絕倫。安問達官與貴人。有此文章不傳世。定知不是皇天心。我生抱璧未得價。白眼相看不相下。當今風雅稱極盛。一百五材誰其亞。獨君常伴煙霞徒。結字青壁何爲乎。玉敦珠盤請君至。吾曹意氣寧自孤。嗚呼吾曹意氣寧自孤。

歲暮雜感

窮冬急景冷霜催。白項烏嗥木葉堆。薊北飛花春識面。江南恨別客無媒。敝裘猶在看鍼縫。舊徑空尋記荻灰。十載勞生餘涕淚。那堪重潑瓦缸醅。

抱恥牽鹽莫自陳。飄零又是雪霜晨。文章未足償時命。氣誼



終須愛古人。一笑任敲高屋帽。從渠且美富民困。雲安雙鯉無消息。聽盡靈虬激箭頻。

歸舟谿畔指魚倉。棗徑芝田興不忘。何點曾聞稱孝隱。馬卿豈遂作貲郎。望氛廣武頻長歎。送客潯陽益惋傷。秉燭宵寒如夢寐。那容年少復疏狂。

却寒簾外月輪孤。伴鶴中宵護藥爐。言論畏人如處女性情。違俗號潛夫。羞同涿郡監門吏。幸有梁家舉案圖。生計拙時拌鬼笑。還來煙嶼訪菰蒲。

沈遠亭載酒過訪并以長句見投率爾賦答

空潭斜日影平分。一夜西風雁幾羣。板屋蕭疏餘亂葉。柴門寂寞悵停雲。詩求律細常難穩。酒爲愁多轉易醺。沙社清流半零落。才華重見沈休文。

讀三四一聯  
可見其律  
身三體法  
上句更妙  
予嘗謂作  
秀才能畏  
人做宰相  
亦能下志

徐雪廬約過柘西乍聞其已入山詩以遲之

別久添惆悵。傳聞去若耶。斷煙憑種藥。刺露好烹茶。古戍盤雲鷗。荒林落野雅。歲殘理游櫂。清夢繞梅花。

吳榕園上舍寧來山房夜話

宋竄一鐙外。長風吹亂松。秋生吟骨健。寒逼酒痕濃。破屋憐高允。新篇記鮑溶。劇談宵過半。遠寺已聞鐘。

立春日湖上醉歸

雨餘遠岫十分青。昏飲花前養性靈。水淨雙魚閒擺尾。亭空一鶴獨梳翎。枯楊忽又當春發。哀篴那堪落日聽。我與芳煤成小別。爲邀明月送前汀。



紫華舫詩初集卷二





